

Etlich Cristliche lyeder Lobgesang, vnd Psalm, dem rainen wort gotes gemeß,
auß der hailigen gschrift, durch mancherlai Hochgelerter gemacht, in der
Kirchen zusingen wie es dañ zum tail berayt zu Wittemberg in yebung ist.
Wittemberg.

[Augsburg] 1524

Rar. 1521

urn:nbn:de:bvb:12-bsb00071754-7

VD16 L 4697

Copyright

Das Copyright für alle Webdokumente, insbesondere für Bilder, liegt bei der Bayerischen Staatsbibliothek. Eine Folgeverwertung von Webdokumenten ist nur mit Zustimmung der Bayerischen Staatsbibliothek bzw. des Autors möglich. Externe Links auf die Angebote sind ausdrücklich erwünscht. Eine unautorisierte Übernahme ganzer Seiten oder ganzer Beiträge oder Beitragsteile ist dagegen nicht zulässig. Für nicht-kommerzielle Ausbildungszwecke können einzelne Materialien kopiert werden, solange eindeutig die Urheberschaft der Autoren bzw. der Bayerischen Staatsbibliothek kenntlich gemacht wird.

Eine Verwertung von urheberrechtlich geschützten Beiträgen und Abbildungen der auf den Servern der Bayerischen Staatsbibliothek befindlichen Daten, insbesondere durch Vervielfältigung oder Verbreitung, ist ohne vorherige schriftliche Zustimmung der Bayerischen Staatsbibliothek unzulässig und strafbar, soweit sich aus dem Urheberrechtsgesetz nichts anderes ergibt. Insbesondere ist eine Einspeicherung oder Verarbeitung in Daten systemen ohne Zustimmung der Bayerischen Staatsbibliothek unzulässig.

The Bayerische Staatsbibliothek (BSB) owns the copyright for all web documents, in particular for all images. Any further use of the web documents is subject to the approval of the Bayerische Staatsbibliothek and/or the author. External links to the offer of the BSB are expressly welcome. However, it is illegal to copy whole pages or complete articles or parts of articles without prior authorisation. Some individual materials may be copied for non-commercial educational purposes, provided that the authorship of the author(s) or of the Bayerische Staatsbibliothek is indicated unambiguously.

Unless provided otherwise by the copyright law, it is illegal and may be prosecuted as a punishable offence to use copyrighted articles and representations of the data stored on the servers of the Bayerische Staatsbibliothek, in particular by copying or disseminating them, without the prior written approval of the Bayerische Staatsbibliothek. It is in particular illegal to store or process any data in data systems without the approval of the Bayerische Staatsbibliothek.

Rar.
1521

Livro

4^{to} Par. 1521

Wackemagel Problor 131.

und f. 463f

Zugstanz; Melchior Rammingen]



Erllich Cristliche
 Lyeder Lobgesang / vnd Psalm/
 dem reinen wort gotes gemess / auß
 der hailigen gschrift / durch manch
 erlay Hochgelerter gemacht /
 in der Kirchen züsingem /
 wie es dan züm tail
 berayt zü Wit
 temberg in
 yebung
 ist.
 MONACENSIS.

Wittenberg.

m. D. F. L. H.

Ein Christenlichs Lied Doctoris Martini
Luthers / die vnaußsprechliche gnad Gottes vnd
rechtten glaubens begreyffendt.



Nun frewdt euch lieben Christenn gemayn.



Nun frewdt euch lieben Christengemayn / Vnd laßt vns frö-
lich spryngen / Das wir getröst vnd all in eyn / Mit lust vñ lybe
singen / Was gott an vnns gewendet hatt / Vnd seyn syesse wun-
der thatt / Gar theüwr hatt ers erworben /

Dem teuffel ich gefangen lag / Im tode wardt ich verloreñ /
Mein sünd mich quellet nacht vnd tag / Darinn ich war geporn /
Ich fiel auch ymmer tieffer dreyn / Es war kein gütt am leben
meyn / Die sünd hatt mich besessen.

Mein güte werck die goltten nicht / Es war mit inn verdoꝛbē /
Der frey will hasset gots gericht / Er war zum gütt erstoꝛbē / Dye
angst mich zu verweyßten trib / Das nichts dann sterben bey mir
blyb / Für hellen müßt ich sinckenn.

Da yammert Gott in ewigkait / Mein ellend über massen / Er

00071754

280

Dacht an sein barmhertzigkeit / Er wolt mir helfen lassenn / Er
wannde zu myr das vatter hertz / Es war bey im fürwar kayn
scherz / Er ließ sein bestes kostenn.

Er sprach zu seinem lieben sun / Die zeyt ist hie zur barmenn /
Sarhyn meins hertzē werde kron / Vnd sey das hayl den armē /
Vnd hilff in auß der sünden noth / Erwürge für inn den pittern
todt / Vnd laß in mit dir lebenn.

Der sundem vatter gehorsam wardt / Er kam zu mir auff er-
den / Von eyner Junckfraw rayn vnd zart / Er solt mein brüder
werden / Gar haymlich für er seyn gewalt / Er gyeng in meynen
armen gestalt / Den teuffel wolt er fachen.

Er sprach zu mir halt dich an mich / Es sol dir yetz gelynnigen /
Ich gyb mich selber ganz für dich / Da wil ich für dich ryngenn /
Dann ich bin deyn vnd du bist mein / Vnd wa ich bleybsolte du
sein / Vns soll der feynd nicht schaydenn.

Vergyessen wirt er mir mein plüt / Dartzu mein lebē außē / Dz
leyde ich als dir zu gütt / Das halt mit vestem glawben / Den todt
verschlingt das lebenn mein / Mein vnschuld treget dz leben dein /
Da bist du selig worden.

Geen hymel zu dem vatter mein / Sar ich von disem leben / Da
will ich seyn der maister dein / Den gayst wilich dir geben / Der dich
im trübnuß trösten soll / Vnd lernen mich erkennen wol / Vnd
inn der warhaite layttenn.

Was ich gethon hab vnd geleert / Das solt du thon vn̄ leeren /
Damit das Reyck Gottes werdt gemeert / Zu lob vnd seynen
eeren / Vnd hüt dich vor menschen gsatz / Daruon verdürbt der
edle schatz / Das laß ich dir zur lege.

Ein lied vom gesez vnd glawben / gwalttig
Klich mit gölicherg schrift verlegt D. Pauli Sperati.



Es ist das hayl vnns kōmen her.



A Es ist das hayl vns kōmen her / Von gnad vnd lautter güt-
ten / Die werck helffen nymmer mer / Sy mügen nit behüttn / Der
glaub sihet Ihesum Christum an / Der hatt gnüg für vns alle ge-
than / Er ist der mytler worden.

B Was Gott im gesatz gebotten hat / Da man es nicht künde
halten / Erhüb sich zorn vnd grosse not / Wo: got so manig alte /
Vom flaysch wolt nicht heraus der gaist / Vom gesatz erfodert
aller mayst / Es war mit vns verloren.

C Es war ein falscher won darbey / Gott hett sein gesatz d:umb
geben / Als ob wir möchten selber frey / Nach seynem willen lebē /
So ist es nur eyn spiegel zart / Der vns zaygt an die sündig art.

In vnserm flaisch verborgen.

D Nicht möglich war die selbig art / Auß aygnen krefftē lassen /
Wiewol es oft versüchet wart / Noch meert sich sünd on massen /
Wann gleyßners werck er hoch verdampt / Vnd ye dem flaisch
der sünde schandt / Allzeit war angeporen.

¶ Noch müßt das gesatz erfüllet seyn / Sunst weren wir all ver
dorben / Darumb schickt Gott sein sun hereyn / Der selber mensch
ist worden / Das ganze gesatz hat er erfüllet / Damit seyns vatters
zorn gestylt / Der vber vns gyeng alle.

¶ Vnd weñ es nun erfüllet ist / Durch den der es kund halten /
So lerne yetz eyn frummer Crist / Des glaubens rechte gestalte /
Nicht mer dan lieber herz mein / Dein todt würdt mir das leben
seyn / Du hast für mich bezalet.

G Daran ich kaynen zweyffeltrag / Dein wort kan nicht betrye
gen / Nun sagst du das kein mensch verzag / Das würst du nym
mer lyegen / Wer glaubt in mich vnd wirt geraufft / Dem selbenn
ist der hymel erkauft / Das er nicht wirt verloren

H Krist gerecht vor Gott allain / Der disen glauben fasset / Der
glaub gibet auß vonn im den scheyn / So er die werck nicht lasse /
Mit gott der glaub ist wol daran / Dem nechste wirt die lieb güt
chün / Bist du auß Gott geboren

I Es würdt die sünd durch gsatz erkandt / Vnd schlecht das
gwissenn nyder / Das Ewangeli kumpt zu hand / Vnd sterckte
den sündler wider / Vnd spricht nur kreuch zum kreuz herzu / Im
gsatz ist weder rast noch rüw / Mit allen seinen wercken.

R Die werck die kōmen gewißlich her / Auß einem rechten glaubē /
Wen das nit rechter glaubē wer / Wölst in der werck berauben /
Doch macht allein der glaub gerecht / Die werck die send des nech-
sten knecht / Da bey wirn glauben mercken.

L Die hoffnung wardt der rechten zeyt / Was Gotes wort zūsa-
gen / Wenns geschehen sol zū frewd / Setzt got kein gewissen tage /
Er waißt wol wens am besten ist / Vnd braucht an vns kein ar-
gen lüst / Das solt wir im vertrauen.

A Obsichs an ließ als wolt er nit / Laß dich nit erschreckē / Dañ
wa er ist am besten mit / Da wil ers nit entdecken / Sein wortt laß
dir gewisser sein / Ob dein flaisch sprech lautter nayn / So laß doch
dyr nicht grauen.

N Sey lob vnd eer mitt hohem preys / Vmb diser güthait wil-
len / Got vater sun hailigen gaisst / Der wöl mit gnaden erfüllen /
Was er in vns anfangen hat / Zū eeren seiner mayestatt / Das
hailg werd sein namen.

D Seyn reich zū kün / sein will auf erd / Stee wie im himelstho-
ne / Das täglich brot noch hewt vnns werdt / Woll vnnserschuld
verschone / Als wir auch vnsern schuldern thon / Nach vnns nit
in versüchung ston / Lös vns vom übel. **A A L N.**

0071754

22

Anzaigung auß der schrift warauff dyß gesanng allenthalben ist gegründe / darauff sich alle vnnser sach verlassenn mag.

- A** Ephe. 2. Das er antzigt die vber schwendlich reychtumb seyner gnaden / inn
frayndlichkayt.
Ro 3. Kayn flaisch durch des gesetzwert für im mag rechtuerttig seyn.
Ebre 12. Wir auff sehen auff den Herzogen vnnser glaubens vnd auff den
vollender Ihesum.
Ebre. 2. Der durch die gnad Gottes für alle versucht hat den tod.
Ebre. 9. Vnd darumb ist er auch ein mitler des newen Testaments.
- B** Ro. 8. Dem gesatz gottes ist das flaisch nit vnderthon / es mag auch nit.
Ro. 4. Seyttemal das gesatz rycht nur zorn an.
Ro. 7. Wir wissen / das das gesatz gaislich ist / aber ich bin flaischlich.
Johannes. 16. On mich mügt ir nichts thon.
Gallat. 3. Die schrift hatt alles beschlossen vnder der sünde / auff das die ver-
hayssung keme durch den glauben an Christum
- C** Alls oben Rom. 8. Dem gesatz gottes ist kein flaisch vnderthon. Es vermags
auch nit.
Rom. 3. Durch das gesatz kumpt die erkandtnus der sünd.
Rom. 7. Ich wesse nit das die lust sünde wer / so nicht saget das gesatz / Laß.
dich nichts gelusten.
- D** Ephe 2. Wir waren auch kinder des zorn von natur.
Rom. 7. Das gesatz ist neben eyn kommen das die sünde ye grösser wurde.
Matth. 23. Wee euch irgleyssner / zu dem achtteden mal.
Psalm. 50. Syhe in bosheit bin ich empfangen / vnd in sünden geporn.
- E** Matth. 5. Nicht ein spytlin noch ein büchstaben sol vndergeen / es muß alles
geschhenn.
Ebre. 1. Er hat sein sun geschickt / das er die vnder dem gesatz waren / erlöset.
Rom. 8. Er hat verdampft die sünde im flaisch durch sünde / das die gerechtig-
kait des gesatz in vns erfüllet wurde.
Rom. 1. Der zorn gottes wirt offenbar / vber alles gotlos wesen.
- F** Rom. 7. Aber yetz seynd wir ledig worden von dem gesatz des todts.
Rom. 12. Verenn dert euch in verneüwerung eüwers synnis / das sy briefft den
willen gottes.
Johannis 11. Ich bin die aufersteung vnd das leben / Wer in mich glaubt
der wirt leben ob er gleich sturbe.
Petrus. 1. Pet. 2. Er hat vnnser sünd getragen in aygnem leibe auff dem holz.
Ebre. 6. Durch zway unbewegliche ding / dar durch vnmüglich ist das Gott
mag lyegen / haben wir ein starcken trost.

- Math. vlti / Wer glaubt vnd getaufft wirt / der wirt selig.
 Johannes 3 / Wer in in glaubt / wirt nicht verlor
 Rom. 14 / Was nicht auß dem glauben kumpt / das ist sünde
B Gallat 5 / In Christo Ihesu gylts nichts dann der glaub / der durch die liebe
 werck thut
 Rom. xvi / Gerechuerdig durch den glauben / haben mir fryde mit gott
 Johannes 1 Jo. 3 / Wer sein brüder lieb hat / ist auß gott geboren
J Exodi xxij / Da das volck sahe die stym / amplen klang der busaunen / vnd des
 riechen den berg / seynd sy erschrocken.
 Ephe. 2. / Er ist komen vnd hat euch gütte botschafft bracht des frydes
 Mathe 11. / Kompt her all zu mir / ich will euch laben vñ erquickē
 Gallat. 3 / Alle die mit des gesetzs werck vmbgeen / die seind vnder der verma
 ledung
 Mathe 7 / Ein yeder gütter baum bringt güt fruchte
 Jacobi 2 / Der glaub on die werck ist tod
 Rom. 3 / Die gerechtigkeit Gottes kumpt durch den glauben an Ihesum Crist /
 zu allen vnd auff alle die da glauben
 Petrus 2 / Petri 1 / Thut fleysß ewerm beruff vnd erwölung gewis zu machen
L Gallat. 5 / Wir aber warten im gaist der hoffnung / das wir durch den glaub
 ben rechuerdig seyen
 Judith 8 / Habt ir Gott ein tag gesetzt nach ewerm wolgefallen / Was ver
 sucht ir gott
 Ebre. 5 / Last vns hin zu treten mit frewdigkeit zu dem gnaden stul auff dz wir
 barmherzigkeit empfangen / vnd gnade synden auff die zeit / wes vns
 hilffe nott sein wirt
M Ebre. 12 / Den sun den er lieb hat den züchtiget er
 Esaie 45 / Du bist warlich ein verborgener got
 Math. 24 / Hymel vnd erd werden zergeen / aber meine wort werdt nit zergeen
 Math. 14 / Du eyns schwachen glaubens / warumb hastu gezweyffelt
N Ephe. 5 / Nichts werde in euch genant was nit zur vsach dyent / aber vil mees
 danck sagung
O Psalm. 67 / Besterck in vns / was du in vns gewircket hast
 Philippen. 1 / Der in euch angefangen hat das güt werck / wolle erfüllen
 Psalm 78 / Von preys wegen deins namens / mach vns teglich ac.
 Mathe. 6.

Wittenberg.

M. D. Xxiij. Paulus speratus.

283
Lynn gesang Doctor Sperati / zü bekennen

den glauben / mit anzaygung der schriffe / als vnd
nehs Testaments / wa ein yeder artickel des
glaubens / in ir gegründt ist / nach außweis-
sung der büchstaben verzaychere.



In Gott / glaub ich das er hat



A In gott / glaub ich das er hat / auß nicht / geschaffen hymel
vnder erde / Kein nott / mag mir züfügen spot / er sicht / dz er mein
bschützer werde / Zü aller fryst / allmechtig ist / seynn gwalt muß
man bekennen / laßt sich ein vatter nennen / Trug wer mir thü / d
ist mein rüw / todt sünd vnd hell / Kein vngesell / Wider disen gott
Kan bringen / o herie got / vor frewd muß mein hertz auff springē.

B Auch ist / mein glaub in Ihesum Christ / sein sun / vom haili-
gen gaist empfangen / Gerüst / wider all sünden list / wolt stonn /

B

0071754
darumb ist er aufgangen / Von edler art / der junckfraw zarte /
Maria hat geporen / den sun Gott auß erkoren / Daz er auch mein /
vnd yedem sein / empfindnus vnd / gepurtt macht gsunndt /
Solt ein weeg züm vatter bauen / o herre got / wem wolt vor dir
ymmer grauen.

C Auch das / er lidt dardurch genas / all welt / am creüz ist wil
lyg gestorben / Nit bas / mocht werdenn todes hassz / absteldt /
wann hie ist gnad erworben / Er wardt gelegt / im grab bedeckt /
dardurch all sünnde begraben / dennus solt ich habenn / Sichte
nit das seyn / sonnder das meyn / erkenn sein gunnst / das er vmb
sunst / Solche gnad hatt wöllen saygen / o herre gott / nun bin ich
gwis gar dein aygen.

D Zü hell / nider gestygen schnell / für mich / das ich dareyn nyte
fare / Ir stöll / zerbrach mit starcker schwöll / zü sych / namer der
vatter schare / Sych zü den gewalde / dem schlangenkalt / hatt er
mit gwalde erstöredt / darumb seyn plitt veröredt / Kayn forcht
meer sey / vnns allen bey / der teüfel kan nit schaden thun / Wann
er ist ewyg gefangen / o herre gott / wem wolt nach dyr nytte be-
langen.

E Wye wol / der todt het in eyn mal / verschlyctt / noch Kunde
er in nich alten / Swaltts vol / am dritten tag nun soll / er quyctt /
in seyn erklärt gskalte / Lyn König fron / inn seynem thron / ym
gayst seyn volck regieren / das soll mein glaub beryeren / Vnd
hangingen / dran / on abelan / es ist meyn trost / meynn hayl es kost /
Nyte im byn ich auff erstanden / o herre gott / behyett mych von
todes bannenden.

F Auffruwr / nach warem gottes schwür / von hin / geen hymel
an vatters seyten / Sitz zür / grech tren in der kewr / vernym / ein
König in ewigeyt / Er steet für mich dasselb glaub ich / soll nye

0071754

289

mande anders sūchē/ das mich nit treff der' flūchen / Wer sūche
radt/ in seiner nott/ dann nur allain/ von Gott muß seyn/ Ewig
lich in seinem zorn/ o herre gott/ wem der nit hilfft ist verloren.

G Von dann/ als ich nit zweyflen han / er wurd / am jüngsten
tag herkommen/ Muß stan/ vor im mit seinem thūnn/ her für/ der
böß vud auch der frum/ Todt lebendig/ im augenplick/ er würdet
vns alle richtten/ da hilfft nit auß red dichten/ Kompt her zu
mir/ erwölten ir/ geet weyt dorthin/ den ich seynd bin/ Also wirt
er vitayl sellenn/ o herre gott/ erbarm dich vor dysem stellen.

H Glauben/ muß ich in hailigē/ gaist Got/ dem vater gleich vnd
sune/ Werden/ in im würdt nit haben/ laid' spot/ wann des wirt
Gott nit schonen/ O hailiger gayst/ vns gnadenn layst/ erweck
leyt vnd erleüchte/ durch vnd in Christo fruchte/ Schaff leben
dig/ ym gemüt hailig/ das wir in dir/ mit hertzen gyr/ Gotes gros
sen namen eeren/ o herre gott/ den glawben wöl in vns meeren.

J Das soll/ man auch gelauben wol/ ein kirch/ im gaist muß mā
sy erkennen/ Got holdt/ der gnadenn reychlich vol/ nit fürcht das
sy der teuffel trenne / Hailig gemayn/ wöllich hat allain/ vergeb-
ung aller sūnde/ der fryd ist gottes künde/ Zu lest behendt / des
flaisch vstend/ eyn leben frey/ das ewig sey/ Dort in yhener welt
vol freuden/ o herre Gott/ verleich vns auch disewayde. Amen.

B ij

A Das Got ein vatter sey / & ein sun gebürt Ewangeli. Joh. 3. Got hat sein sun
mit geschickt in die welt / das er die welt richte / also zuerstein ist / hat er ein sun / so
hat er in geporn / So ist er auch ein vater des selbigen / Geschrift. Esa. 66. Weder sol
ich selbs mit auch geberen / der ich mach das ander geberen / sagt gott / das er ein er
schaffer sey. Ewangeli Mathei. 11. Ich preys dich vatter / vnd herz / des hymmels
vnd der erden. Geschrift. Genesis. 1. Im anfang schuff gott hymel vnd erden.
Das er sey allmechtig. Ewangeli Marci. xiiii. Abba / mein vatter / Es ist dir alles
miglich / vber heb mich des kelchs. Geschrift. Gen. 17. Sprach der herz zu Abraham
Ich bin der allmechtig gott.

B Das Jesus Christus ein sun gotes sey vom hailigē gait entpfangē / vñ geporn
aus Maria der iunck fraw / Beschreibt alles zu mal Lucas in seinem Ewangeli.
am. vñ d. ij. Capittel. Geschrift Esaie. 7. Syhe ein iunck fraw ist schwanger / vñ
wirt ein sun geberen. Item Gen. 3. Wirt Christus alleyn ein samen des weybes
genant / verstee on ein man. Das diser sun gottes ein aynger sun sey / Ewangeli
Johannes. 1. Wir sahen sein herlichkeit / ein herlichkeit als des ingebornen
sun vom vater / Geschrift / Psa 2 Der herz hat zu mir gesprochen / Du bist mein sun
heut hab ich dich geboren / Er spricht / Du verstee kein andern meer

C Das Jesus Christus hab gelytten / sey gestorben vnd begraben worden
Ewangeli / Mathei 27 Marci 15 Luce 23 Geschrift an vill orten / doch aygent
licher im 21 Psalm Auch anzeigen auff sein leyden vnd sterben all sygur der opf-
fer im alten Testament

D Von seinem absteigen in die hell Ewangeli Mathei 12 Gleich wie Jonas
war drey tag vnd drey necht in des walsisch bauch / Also wirt des menschen sun /
drey tag vnd drey necht sein mitten in der erden Geschrift Osee 13 O tod ich wirt
dir ein tod seyn / O hell ich wirt dein biß sein / das ist du wirst mich beyssen

E Seyn verstend beschreyben die drey Ewangelist / Matheus / Marcus / vnd Lu-
cas in letzten capitel / Geschrift Psalm xv Du hast mit bekandt gemacht die weg
des lebens / das muß man verston von der verstend wie Petrus auflegt Actorum. 13

F Die auffart Christi beschreybt Marcus am letzten / Geschrift Psalm 67 Du
bist auffgestygen in die hohe / vnd hast die gefengenns gefangen gefürt vnd der
hundert vnd neunt Psalm Der herz hatt gesagt zu meinem herzen / setz dich zu mey-
ner rechtenn 2c

G Vom iungsten gericht Ewangeli Mathei 25 Wenn der sun des menschen
kommen wirt 2c.

Denn wirt er sitzen auff dem stül seiner herlichkeit / vnd werden vor im erschey-
nen alle vöcker 2c In der geschrift synden wir oft das gott ein gerechter richter
ist / Es spricht aber der weis man Sapientie. 5.

Die frummen werden steen in grosser bestendigkeit / wider die die sye geenngstet
haben / das kan aber nyendertt geschehen dann am iungsten tag / so wir all werdenn
vor dem richte stül gottes steen / böß vnd güt / Johel 3 Ich wil versamlen alle

Hayden zu hauff/ vnd will sye faren in das thal zu Josaphat 2c.
 Von dem hailigen gayst/ Christlichen kirchen/ Auch gemeinschaft der hay
 ligen/ wirt kurzlich meldung gethon/ vber das so anders wa/ dauon ge/ chrybenn ist
 Am letzten capittel Mathei/ da Christus sagt/ Mir ist gegeben aller gewalt/ in hy/
 mel vnd erden/ Darumb geet hyn/ vnd leeret alle volcker/ vnd taufft sy in dem na/
 men des Vatters/ vnd des Suus/ vnd des hailigen Gaysts/ Vnd leeret/ y halthen
 alles w/ ich euch bevolhen hab/ Vnd syhe ich bin bey euch alle tag/ byß an das endte
 der welt/ In welchem auff ein mal begriffen ist/ das man in den hailigen Gayst
 glauben soll/ die weil wir in seinem namen getaufft werden/ das doch ein zaychen
 des glaubens ist/ Das auch eyn Christenlich kirch ist bey welcher der hertz/ bis an
 das end der welt bleyben will. Das in der selbigen ist ein hailigen gemeinschaft
 Die weyl inen allen nur ein Tauff/ ein wortt allenn gleych zu predigen/ vnd zugebe
 eyngeßet ist/ Auff welcher weyß auch Paulus redet/ von dem brot vnd weyn got
 tes tisch. 1. Corinth. viii. Des gleichen Actorum 2 gelesen wirt/ Auch sagt die schrift
 vom gayst Gottes/ Genesis am ersten/ vnd sumt an vil dattern/ vonn kurz wegen
 vnderlassen/ von dem neuwen volck gottes/ Auf welchem auch klar ist vergebüg
 der sünd/ dann der sündler Gott nit gefelt/ So muß von nötern diser kirchen/ vñ
 allen die darinn seynd/ ir sünd vergeben sein/ vnd nicht werden zügerechnet Johā
 am zehenden/ Vnd Ezechiel am achtzehenden/ Aufersteung des fleischs beschreib
 Johannes am fünfften/ in der miten des capitel/ Die geschriff Job am xij
 Am letzten tag wirt ich aufersteen/ vnd ynnaygenem fleisch sehen meyn Gott vnd
 hayler/ Item Danielis am zwelfften/ Da auch bestympt wirdt das ewig leben/
 Suust sagt das Ewangeli Mathei am fünff vnd zwaynzigsten/ Dye frummen
 werden geen ins ewyg leben.

A M E N

Wittemberg.

M. D. XLiiij.

Ein gesang Doctor Sperati zü bitten vmb

volgung der besserung / auß dem wort Gottes.

A Hilf gott / wie ist der menschen not / so groß / wer kan es alle
erzellen / Ganz todt / leydt er on allen radt / wayßloß / Erkennet
auch nit seyn ellend / Hertz mit vnd syñ / ist gar da hyn / verderbet
mitt allen krefftenn / weiß nit wa ers sol heffren / Kennet nicht
das gütt / noch mynder thut / was got gefelt / hat sich gefelt / Wy
der allen gottes willen / o herre got / hilf vns disen jammer stillen.

B Nitt rast / findt er auff erd wie fast / er sacht / Ein macht wil
in doch redten / Sein last / in als der hellen gast / verflucht ach got
hilff im auß nöthen / Wir raffen all / auß disem quall / zü dyr dem
höchsten gütte / du kanst vnns geben mütte / Zü deiner gnad / Le
kumpe der todt / ders als hynnympt / das nicht meer zimpt / Dey
ner gnaden huld erwerben / o herre got / laß vns nit also vderben.

C Ach wie / was nun dein zorn hie / so grym / da dein wort lagen
verborgen / Nun sye / wider geben zü früe / is stym / wann niemant
wil ir sorgen / Man hört sy wol / die kirch ist vol / noch wil sy nye
mandt massen / der zorn ist noch zü grosse / Wil besser wer / gehörde
nymer / dan so man hört / vnd nit nach fert / Ach es ist ein grau
sam straffe / o herre got / mach vnns wider neüw erschaffen.

D Sych an / durch dein lieben sun / auff vns / darinn dein wel
gefallenn / Der schon / für vns hatt gnüg gethon / vmb sunst / hatt
reychlich wöllen zalen / Das wir gefreyt / vom allem layd / deyner
gnaden möchten gnyessen / sein plüt solt vns entspyessenn / Laß
zoren nach / richt nit so gach / vergyßß v schuld / gib vns dein huld /
Wir erkennen doch die sünde / O herre got / nimm vnns an für
deyne kynde.

286
Dieweyl/du hast so kurtzer eyl/dein wort/wider gesand auff
erden/vns hayvon/neuw durch teuffels pfeil/ermordt/gyb das
wir frummer werden/Es leydt an dir/das kennen wir/mit vns
ists gar verloren/wir steen in deinem zorn/Tut sich vns an/noch
vns erthorn/erken dein wort/der gnaden hort/Darum ist es mensch
worden/o herre got/für vns laß es seyn gestorben.

Freue dich/mit grosser züversicht/sein volck/er wirdt dich nit
verschmehñ/Tut sich/wie du nit gar vernichten solt/den schatz
den er hatt geben/Es ist sein wort/darauf stee hart/es mag vns
nit außweichen/sein kraft ist also reych/Wems ers beschert/da
wirts gemeert/nur glaub daran/laß zweyffel ston/Hoff in den
der ist dort oben/o herre got/von vns sey dir ewig loße. Amen.

A Der mensch geporn vom weyb/ lebt eyn kurze zeyt muß voller jammers vnd
ellend sein Job. 13.

Alles dichten des menschlichen hertzen ist böß von der jugēt auff. Gen 2.

B Ir werdet dienen da selbst frembden Göttern/ die euch kein rüwe gebn wer-
denn. Hieremias. 17.

Ir gewissen sy bezüget/ darzu auch die gedancken/ die sych vnder ein ander ver-
klagen oder entschuldigen (Verstehe ob schon gar kein geschribn gesatz wer) Ro. 11.

C See hyn vnd sag dem volck / Hörent/ solt ir hören/ vnd solt doch nit versteenn/
vnd solt sehen das ir secht/ solt es doch nit erkennen/ Verplenn dett das hertz dieses
volcks. Esaie. 7.

Es wer inn besser/ das sye den weg der gerechtigkeit nit erkennen hettenn/ das das
sy in erkennen/ vnd sych keren vonn dem hailigen gebott das inen gegeben ist.
2. Petri. 2.

D Ich sag euch/ wo zwen vnder euch eyns werden auff erdenn/ warumb es ist/
das sy bitten wellen/ das sol in widersarn von meinem vatter im hymel/ Dann wa-
zwen oder drey versamlet send in meinem namen/ da bin ich mitten vnd inē Mat. 18.
So wir vnser sünd bekennen/ so ist gott trew vnd gerecht/ das er vnns die sünd
erlöset/ vnd rayniget vnns von aller vntugendt 1. Johannes. 1.

E Erhöz mich lieber herz/ erhöz mich / Damitt diss volck lerne/ das du bist der
allt herz gott/ vnd habest noch eyn mal bekert ire hertze. 3. Regū. 18.

Nicht in vnser gerechtigkeiten legen wir für vnser geheet vor deinem angesicht
sonder in vile deiner erbarmung. Danielis. 6.

F Weder wirt er vnns ewigklich verwerffen/ oder wirt er noch eyn mal eyns thō/
das er vnns freündlicher sey. Psalm. 67.

Also wirt mein wort werden/ das auß geet von meinem mund/ Er wirt mir nit löz
wider hayn kommen/ sunder wirt thon alles was ich will/ vnd in wirt glück en/
in den darzu ichs geschickt hab. Esaie. 55.

Wittemberg.

M. D. LXX.

Die drey nachfolgenden Psalm.

singe man in diesem thon.

Der Aylffte psalm. Sal

uum me fac.



Ach gott von hymmel syhe dareyn.



¶ Ach gott vom himmel syhe darein / vnd laß dich das erbarmen /
Wie wenig seynd der hailigen dein / verlassen sey n wyr armenn /
Dein wort leßt nit haben war / der glaub ist auch verlo schen gar /
bey allen menschen kindern.

¶ Sy leeren eyttel falsche list / was aygen wyß er findet / Vr hertz
nit cynes synnes ist / in Gottes wort gegründet / Deru ölet dis s d
ander dz / sy trenen vns on alle maß / vñ gleyssen schon von aussen.

¶ Gott wöle außrottē alle leer / die falsche schein vns leren / Dar
zu ir zung stolz offenbar / spricht trug wer wils vns weeren / Wir
haben recht vnd macht allain / was wir setzen das gylt gmayn /
wer ist der vnns solt maistern.

¶ Darumb spricht got ich müß auß sein / die armen sind verstöret /
Vr seüßgen dungt zu mir herein / ich hab ir klag erhört / Weyn

¶

aylsamwo it soll auff den plan/getrost vnd frisch sy greiffen an
Vnd seynde die krafft der armen.

Das silber durch feuer sibem mal/bewert lautter funden / Am
gottes wort man wartten sol/des gleichen alle stunde / Es wyll
durchs kreuz bewertet sein/da wirt sein krafft erkandt vnd scheyn/
vnd leucht starck in dye lande.

Das wölst du gott bewaren rayn/vor disem arge m geschlech-
te / Vnd laß dir beuolhen sein/das sichs in vns flechte / Der gott-
loß hauff sich vmb her findt/wa dise loße leüt seynde / in deynem
volck erhalten.

Der dreyzehendte Psalm. Dixit insipiens

Es spricht der vnweyß mund wol/den rechten Got wir mayne
Doch ist ir hertz vnglaubens vol/mit that sy vernainen / Ir wis-
sen ist verderbet swar/vor gott ist es eingrewel gar/es thut ir kai-
ner kein gütt.

Got selb vō himel sahe herab/auf aller mensche kindē / Zu scha-
wen sye er sich begab / ob er yemant wurd synden / Der seyn ver-
standt gerychtet het / mitt ernst nach gottes wortten thert / vnd
fragt nach seinem willenn.

Da war nyemant auff rechter ban/sye waren all außgeschryt-
ten / Ein yeder gieng nach seinem wan / vñ hielt verlorne sytten /
Es thut ir keiner doch kein gütt / wiewol gar vil betrog d mütt /
ir thün müßt gott gefallen.

Wielang wöllen vnwissent seyn / die sollich müe auff ladenn /
Vnd fressen dar für das volck mein / vnd neern sich mit seym scha-
den / Es steet ir trauwen nit auff got / sy rüffen im nit in der not /
sy wöllen sich selb versorgen.

288
Darumb ist ir hertz nymmer styl/vnnd stett alzeit in forchten/
Got bey dem frummen bleyben will/dem sy mit glauben horchñ/
Er aber schmecht des armen radt/vnnd hönet alles was er sagt/dz
gott sein trost ist worden.

Wer sol Ysrael den armen/zü Syon haylerlangen/Got wirt
sich seines volck erbarmen/vnnd lösen die gefangen/Das wirdt er
thon/durch seinen sun/dauon wirt Jacob wunnehan/vñ Ysra-
el sich freuen.

Der Psalm Sepzofundis.

Auß tieffer not schrey ich zü dir/herzogot hör mein ruffen/Dein
gnedig oren ker zü mir/vnnd meiner bitt sy öffen/Den so du dz wilt
sehen an/wie manche sünd ich hab gethon/weer kan herz vor dyr
bleybenn.

Es steet bey deiner macht allain/der sünden züuergeben/Das
dich fürcht baide groß vnnd klain/auch in dem besten leben/Dar-
umb auff gott wil hoffen ich/mein hertz auff in soll lassen sich/ich
wil seyns worts erharren.

Vnd ob es wert bis in die nacht/vnnd wider anden morgenn/
Doch soll mein hertz an Gottes macht/verzweyflen nitt noch sor-
gen/So thü Ysrael rechter art/der auß dem gaist erzeuget ward
Vnd seynes gottes erharre.

Ob bey vns ist der sündenvil/bey Got ist vil mer gnadñ/Sein
hand zühelffen hatt kein syl/wie groß auch sey der schaden/Er
ist allain der güttchyrct/der Ysrael erlösen wirdt/auß seynenn
sünden allenn.

A M L N.

C ij

00071754

Ein vast Christlich's Lied vom waren glaubē
Vnnd rechter lyeb Gottes vnnd des nechstenn.



In Ihesus namen heben wir an.



Ein Ihesus namen hebenn wir an/das best das wir geleernete
hon/vom gottes wort zū singen/hört zū ir frawenn vnnd auch is
man/wie man die seligkeit soll gewynnen.

0071754

289

Der glaub schüts auch aller mayst / darinne wirt geben der hay
lige gait / wer Gottes wort thüt glauben / wie in der xxxijten
büch geschriben steet / Sant Peter am zehenden thüt sagen.

Johannis am dritten ist gemelt / also hat got geliebt die welt /
sein sün hat er ir geben / wer glauben thüt an Ihesum Christ / der
erlangt das ewig leben.

Zün Römern am dritten höret mee / nyemats wirt selig durch
die ee / die sünd wirt allain dardurch erkandt / der glaub sirt vns
zün vaterland / als vns sant Paulus thüt oft bekandt.

Die gerechtigkeit gotes durch Ihesum Christ / wer an ime ver
zaget ist / thüt sich allain des trösten / dem sein bedeckt die sünnde
seyn / durch Ihesum Christ das lämmelein.

Er starb für vnser missethat / das hayl er vns erworben hatt /
vnd wa er vns nit wer geboren / so weren wir all zünmal verloren /
Got hats im also auferkom.

Abraham gybt gott groß eer / da er vertrauet seiner leer / zün
Römern am vierdten vnderschaid / Christus hats ym selber züge
sagt / ward ime gezelt zün der gerechtigkeit.

Gottes werck der glaupe ist / als wie man im Johanne lyft /
wol an der sechsten vnderschaid / got hats vns selber zügesagt /
den gebat Maria die rayne mayd.

So nun bey dir der glaub ist recht / so erzaygst du dich ein gotes
knecht / durch lieb an deynen nechsten / als sich Gott an dir erzay
get hat / mit dienst nach allem vermügen

C ij

00071754
¶ Nun hör was got durch Mosen gebot / ist yemandts arm inn
deiner stadt / so thū im auff die hende deyn / laß dir sein nott deyn
aygen seyn / beweyß an im den glauben dein.

¶ Wirdt yemandt schreyen in hymel zū mir / zū eyner stunde solt
werden dir / vom wücher solt du freyen dich / gott wils also haben
glaub sicherlich / als wie die gschryfft thut warnen dich.

¶ Machei am fünfften als man liest / wie dir vnd mir sagt Jhe
su Christ / wil yemants von dir begeren / versage es im nit zū keiner
frist / ob er velleicht dein feyndt ist.

¶ Der armen ist das himelreich / das solt ir glauben alle gleych /
vmb applaß kein gelt mer geben / beschert dir ichts der liebe Got /
die armen sollens von dir nemen.

¶ Nun hört ir man vnd jungen knaben / gott sollen wir stets vor
augen haben / seyn gebott wol an den wenden / vnd sollen die leer
nen vnser kind / auch tragen in vnsern henden.

¶ Du steest oder geest vber feld / wie Gott durch Mosen hatt ver
meldt / sein lieb sol du betrachten / die dir ergaigt durch Jhesum
Christ / der dich vom gesatz loß thut machen.

¶ Noch eyns das will ich sagen dir / Christi Ritter müssen leiden
vil / ey hon vnd spott in aller welt / mit irem flaisch sich legenn yns
feld / nach dem es also gott wol gefelt.

¶ Verzagnit werder Ritter gütt / gott heldt dich selber in seyner
hüt / wan er dir vberwunden hatt / todt sünd hell vnd alle not / eyn
kron er dir erworben hatt.

¶ Hye lassen wirs bleyben zū diser fryst / vnd schreyen alle zū Je

su/Christ/der allain ist vnser trost/von allem vbel hat er vns er-
löst/hab lob vnd danck du syesser trost.

¶ Vnd sayl vnns mit dein teglich brot/ich main das hailige got-
tes wort/die eynige speyße vnser seel so schadt vns meer kein vnge-
fel/vnnd bleybt allgeyt gott vnser hayl.

A M E N.

[Faint, mostly illegible text, likely bleed-through from the reverse side of the page.]


In dem Jahr 1717 den 17ten Junij
hat die Obrigkeit zu dem Ende
bestimmet das alle die in dem
Land zu dem Ende zu sein sollen
die in dem Land zu sein sollen

und die in dem Land zu sein sollen
die in dem Land zu sein sollen
die in dem Land zu sein sollen
die in dem Land zu sein sollen

1717

[Faint, illegible handwriting]


[Faint, illegible handwriting]



290
su/Christ/der allain ist vnser trost/von allem vbel hat er vns er-
löst/hab lob vnd danck du syesser trost.

¶ Vnd taylor vnns mit dein teglich brot/ich main das hailige got-
tes wort/die eynigespeyse vnser seel so schadt vns meer kein vnge-
fel/vnnd bleybt allzeit gott vnser hayl.

α ω ε η.



su/Christ/der allain ist vnser trost/von allem vbel hat er vns er-
löst/hab lob vnd danck du syesser trost.

Und tayl vnns mit dein teglich brot/ich main das hailige got-
tes wort/die eynigespeyße vnser seel so schadt vns meer kein vnge-
fel/vnnd bleybt allgeyt gott vnser hayl.

A M L N.

